



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 78 БАСПАСӨЗ РЕЛИЗІ

*«Қазақстанның Қызыл кітабы» монеталар сериясынан «Сабаншы»
ескерткіш монетасын айналысқа шығару туралы*

2014 жылғы 24 қазан

Алматы қаласы

Қазақстан Республикасының Ұлттық Банкі 2014 жылғы 24 қазаннан бастап номиналдық құны 500 теңгелік, «proof» сапалы күмістен және номиналдық құны 50 теңгелік нейзильбер қоспасынан **«Қазақстанның Қызыл кітабы» монеталар сериясынан «Сабаншы» ескерткіш монетасын** айналысқа шығару туралы хабарлайды.

Сабаншы (*Felis manul*) – көлемі үй мысығындай мысық тұқымдасына жататын жыртқыш сүтқоректі. Көзі кәріптас түстес, көз қарашығы жарық түскен кезде саңылау түспей, дөңгелек күйінде қалады. Алғашқы сабаншылар Каспий теңізінің жағалауында XVIII ғасырда ашылған.

Күмістен және нейзильбер қоспасынан жасалған «Сабаншы» ескерткіш монеталарының бет және сырт жақтарындағы бейнелер бірдей. «Proof» сапалы күміс монеталардағы бейне жылтыр бетке салынған.

Монеталардың бет жағында (аверсінде) орталық бөлігінде жер шарының стильдендірілген бейнесі, оның сол жағында монетаның номиналын білдіретін жазу (күміс монетада «500 ТЕҢГЕ», нейзильбер қоспасынан жасалған монетада «50 ТЕҢГЕ») және Қазақстан теңге сарайының тауар белгісі, ал оң бөлігінде біздің ортақ үйіміз – Жер шарын мекендейтін жануарлардың стильдендірілген бейнелері бар. Айналдыра шығыңқы жиек және мемлекеттік тілде «ҚАЗАҚСТАН ҰЛТТЫҚ БАНКІ» және ағылшын тілінде «NATIONAL BANK OF KAZAKHSTAN» деген жазу бар.



Монеталардың сырт жағында (реверсінде) қамыс қопасындағы «сабаншы» мысығы (күміс монетада көзіне кәріптас эмалі соғылған) бейнеленген. Айналдыра мемлекеттік тілде «САБАНШЫ», латын тілінде «FELIS MANUL» – түрдің зоологиялық атауы және соғылған жылын білдіретін «2014» деген сан (күміс монетада монета дайындалған металды, оның сынамын және массасын білдіретін «Ag 925 31,1 g.») бар. Айналдыра шығыңқы жиек.

Монеталардың бет және сырт жағындағы бейнелер мен жазбалар бедерленген.

Қыры (гурты) бедерлі.

Монеталар:

1) 925 сынамды күмістен жасалған, массасы – 31,1 гр, диаметрі – 38,61 мм, дайындау сапасы – «proof», таралымы – 3 мың дана;

2) нейзильбер қоспасынан жасалған, диаметрі – 31 мм, массасы – 11,17 гр, таралымы – 100 мың дана.

Номиналдық құны 500 теңгелік және 50 теңгелік ескерткіш монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ банк шоттарына есептеу үшін және аудару үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Күміс монеталар монетаның бетіне эмаль соғу технологиясын қолдана отырып дайындалды.

Ескерткіш монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш монеталар коллекциялық құны бойынша сатуға арналған. Олар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Нейзильбер қоспасынан жасалған ескерткіш монеталардың әр түрінің алты мың данасы жақсартылған сапамен дайындалған және сату үшін арнайы пластикалық термовакуумды орауға салынған.

Монеталарды Қазақстан Республикасы Ұлттық Банкінің барлық филиалдарында, сондай-ақ ҚРҰБ-ның www.nationalbank.kz сайтының «Ұлттық валюта» парақшасындағы интернет-дүкен арқылы сатып алуға болады. Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны (727) 273-83-98.

Толығырақ ақпаратты мына телефондар бойынша алуға болады: +7 (727) 270-46-39, +7 (727) 2 704 585; +7 (727) 330 24 97, e-mail: press@nationalbank.kz, www.nationalbank.kz.